



KENYATAAN MEDIA
MAJLIS PENYAMPAIAN HADIAH LOW CARBON
SPORT (KL EXTREME JAM) SEMPERNA SHWP 2022

KUALA LUMPUR, 12 Februari 2022: Bertempat di Kiara SkatePark, kira-kira 100 peserta menyertai kejohanan sukan ekstrem yang dinamakan Low Carbon Sport (Kuala Lumpur Extreme Jam) bersempena Sambutan Hari Wilayah Persekutuan 2022.

Kejohanan yang mempertandingkan acara skateboard dan BMX itu dianjurkan selama sehari oleh Kementerian Wilayah Persekutuan, Majlis Sukan Wilayah Persekutuan (MSWP) dan Kelab Sukan Rekreasi Presint Diplomatik.

Menteri Wilayah Persekutuan, YB Dato' Seri Dr. Shahidan Bin Kassim turut hadir pada Majlis Penyampaian Hadiah Low Carbon Sport (KL Extreme Jam) kepada para pemenang.

Sebanyak empat kategori dipertandingkan termasuklah Bawah 14 Tahun Skateboard, Terbuka Skateboard, Terbuka Stunt BMX dan Terbuka Flatland BMX.

Pemenang Terbuka Skateboard bakal menerima RM2,000 diikuti RM1,000 dan RM700 masing-masing bagi pemenang tempat kedua dan ketiga sementara juara kategori Bawah 14 Tahun Skateboard akan memenangi RM700 sementara tempat kedua dan ketiga akan membawa pulang RM500 dan RM300.

Pemenang kategori BMX – Terbuka Stunt dan Terbuka Flatland masing-masing akan membawa pulang RM1,000 diikuti RM800 dan RM600 bagi pemenang tempat kedua dan ketiga.

Saingan Low Carbon Sport (Labuan Extreme Jam) yang sepatutnya berlangsung 26 Februari 2022 bagaimanapun terpaksa ditunda berikutan peningkatan kes Covid-19 semasa di Labuan.

TAMAT